

مجموعہ سنون

از

منیف پاشا

ناظر معارف عومیہ سابقا

هر شهر عربی ابتدا سنده چیتار رساله موقوتہ

برنجی سنہ

جزؤ ۱ ربيع الاول

استانبول

آغو بیان خانہ آرمیان مطبعہ سندہ نومرو ۱۳

۱۳۰۰



بلکه ایلروسی ایچون دخی اولدیغنی دوشونمایدیر . جمعیتلر یلینده مناسبات تزاید ایتدیجه ادخارک شکلی دخی تبدل ایدر . هر فرد کندوسنده اولیان شیرلی تدارک ایتک استر ایسه کندو حوایچندن فضله اوله رق النده بولنان محصول ایله یاخود ادخار ایتک استمدیکی اچقه ایله مبادله ایلر . ادخار ایله حاصل اولان اچقه مرور زمان ایله تکرر و قضاء محو و تلف اولنلرندن ماعداسی الدن اله انتقال ایدر . ادخار طریقيله حاصل اولان مبالغک جزؤ اعظمی آبا و اجدادمز بزه براقمشدر . افرادک میرائی اولدیغنی کبی اقوامک دخی میرائی وار در .

انجمن خاموشان

زمان قدیمده همدانده انجمن خاموشان اسمنده بر مشهور جمعیت وار ایدی که اعضاسی چوق دوشمک و از یازمق و افاده مرآمده زیاده اختصاره رعایت ایتک قواعد اساسیه سندن ایدی . بالجمله ایران محققین علماسی بوانجمنک اعضالغنی مایه فخر و شرف عد ایدرلر ایدی . مؤلفیندن حکیم زاب نام بر ذات اوراده بر اعضالق یری منحل اولدیغنی خبر المغله درحال همدانه عزیمت و انجمن اربابنک محل اجتماعلری اولان دأرهنک قپوسنه کیدرک « حکیم زاب اچیق محلی عاجزانه نیاز ایدر ، فقره مختصره سندن عبارت اوله رق تنظیم ایتدیکی عرضحال بر خدمتجی واسطه سیله

رئیس تقدیم ایلدی . فقط محل مذکور اولجه بر بشقه سی انتخاب اولنش اولغله انجمن حکیم زابه جواب رد اعطاسنه مجبور اولدی و بو یکی اعضا بعض اصحاب نفوذک توصیه سی اوزرینه کرهأ قبول اولنش برنا اهل اولغله حکیم زاب کبی ایجازی درجه اعجازه ایصال ایتش بر ادیب کاملک و قتیله مراجعت ایده ماسندن طولایی تأسف ایلدی . بونی تبلیغه مأمور اولان رئیس اجرا سنده تردد ایدوب نه وجهله حرکت ایده جکنده متحیر قالدی . بر از وقت اعمال فکر ایتدکن صکره بر کاسه یه لبالب یعنی بر طامله دهه قونمش اولسه طاشه جق درجه ده صوطولدیروب طالب مومی الیهی نزدینه دعوت ایلدی . حکیم زاب مزیت حقیقه اربانه مخصوص اولان کمال ادب و تواضع ایله حضورینه داخل اولدقده رئیس قیام ایدوب حرف واحد تفوه ایتیه رک مذکور کاسه یی متأسفانه کندوسنه ارائه ایلدی . حکیم زاب بور مزدن انجمنده اچیق بر اولدیغنی تفرس ایدوب مع مافیه بو جواب رددن مایوس اولیه رق فضله بر اعضا نلک تعییننده بأس اولیه جغنی اشراب ایتلک استدی و یرده بر کل پیراغی کوردیکندن همان الیه الوب اصول ایله صویک اوزرینه قویدی و بوندن ناشی کاسه بر طامله یله طاشمدی . بالجمله حضار بو جواب ظریفانه یی زیاده تحسین ایدوب مساعده مخصوصه اوله رق کندوسنی القشله ایله اعضالغه قبول ایتدیلر و حسب الاصول اسمنی یازمق ایچون انجمن اعضا سنلک اسامی دفتری کندوسنه و بر لکله اسمنی تحریر ایلدی و عادت اولدیغی اوزره مقام تشکرده بر قاچ کلمه دن عبارت بر نطق مختصر سویلیسی لازم کلمه حقیقه انجمن خاموشان اعضالغه لایق صورتله شق

شفه ایتمکسزین بو وجیهه یی ایفا ایلدی: شویله که مذکور دفترده
اسمنک حذاسنه رفقاسنک عددی اولا یوز رقمی یازوب بونک صول
طرفنه بر صفر قویدی و زیرینه "بو مقدار نه ارتدی نه اکسلیدی"
عباره سنی علاوه ایلدی (۰۱۰۰) رئیس دخی غایت نازک و حاضر
جواب بر ذات اولغله بوکا بر مقابله جیله اولق اوزره یوز رقمک
صول طرفنه بر رقمی وضع والتنه دخی "قیمتلی اون قات ارتدی"
عباره سنی تحریر ایلدی (۱۱۰۰)

تاریخ حکمای یونان

اقراطیس

فلاطون مکتبنده اکسنو قراطک خلفی اولان پوله مونک
معاصریدر. یوز اون اوچنجی اولمپیاده یعنی میلاددن اوچ یوز
یکرمی سکز سنه مقدم بر حیات ایدی .

اقراطیس مذهب کلییه اربابندن اولوب مشهور دیوجنسک
کبار شاگرداننددر . تبه شهری اجله خاندانندن اسقوندیسک
اوغلی ایدی و غایت زنکین ایدی . برکون بر تراجدیا او یوننده
کلیسون مذهبی اربابندن تلفوسک مذهب مذکوره داخل اولق ایچون
کافه اموالندن تجرد ایتدیکنی سیر ایتکله بوندن غایت متاثر
اوله رق در حال کندو دخی بو مذهبه سلوک ایتدی . اموال
موروته سنک جله سنی فروخت ایدوب بوندن حاصل اولان مبالغ
کلیه یی بر طرفه تودیع ایلدی واکر اولادم فطین و ذکی اولمز رایسه